

Liebenn getreuen. Nachdem wir Iohannem Homelium als der astronomei erfarnenn unserer universitet mith lesen unnd sonnstenn nutzlich unnd rumlich zu sein achtenn, als begern wir gnediglich, ir wollet ime eine lectionn, auch bequeme frunde dartzu assigniren, das er der iugent zum bestenn auch profitirenn unnd lesenn muge. Ann dem thut ihr unns zu gnedigstenn gefallen und seindt euch mith gnadenn geneigt. 5 Datum Leiptzig den vierden februarii anno 2c. L.

486.

Michael Weber in Zuckelhausen bekennt, daß ihm die Universität 70 Gulden auf vier Jahre vorgestreckt und geliehen habe, welche Summe jährlich mit 4 $\frac{1}{2}$ Gulden zu verzinsen sei.

Zuckelhausen, 1550 März 19. 10

Hdschr.: Copiale magnum T. I, fol. 141.

487.

Rath und Gemeinde der Stadt Halle verpflichten sich 50 Gulden jährlicher Zinsen eines Capitales von 1000 Gulden, welches Jakob Laue testamentarisch als Stipendium für zwei bedürftige aus seinem Vaterlande gebürtige Studenten der Theologie bestimmt^a), das aber Hans Laue, Bürger zu 15 Magdeburg beansprucht hat, künftighin nicht mehr an diesen, sondern allein an die Universität zu entrichten.

Halle, 1550 Apr. 29.

Hdschr.: Copiale magnum T. I, fol. 155^b—156.

Ann.: Vergl. hierzu das folgende Schriftstück.

Wir rathmanne, meistere der innungenn und gemeinheit der statt Halle bekennen 20 in chrafft dieser offnenn schrifft vor uns und unsere nachkommen, nachdem wir nun ettliche iar her Hansen Lauen burger zu Magdeburg tausent guldin hauptsuma, die ettwan Hanns Reinecke burger zu Mansfelt uns, dem ertzbischoff unnd cardinal seligen, hochloblicher unnd milder gedechtnus, zum besten vorgestreckt, auch uff desselben personn haltent ierlichen mit funfftzig guldein, halb uff osterenn und die ander helffte michaelis, 25 als innehabern unnd besitzern unserer brive und siegel verzinset, und wir aber von den erwidrigen, achtbarn unnd hochgelernten hern rector, magistris unnd doctorn der loblichenn universitet zu Leiptzig berurtter heuptsummen unnd zinse halbenn offt unnd vilmals durch schriefften, auch beschickung angelangt unnd von denselben bericht worden, wie unnd welicher gestalt weilundt Iacob Laue seliger solich gelt unnd zinse zu 30 underhaltung unnd furderung zweier armen studenten seins vatterlandes burtigk in gedachter universitet zu Leiptzig in theologia zu studirn verordent, alles mit vorlegung desselben auffgerichtens testaments glaubwürdiger copien, auch einer schriefft, so der würdige her Matthes Laue, canonicus sannet Sebastianskirchen zu Magdeburg, an berurte universitet gestalt, doraus unter anderm befunden, das berurter Hanns Laue solche 35 unsere brieff unnd siegell mit bösem glauben unnd tittel von den testamentarien der gemelten universitet zu vorfang unnd nachteil an sich solt bracht habenn, unnd wir aber

487. a) Vergl. hierzu No. 272.